



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

11 d Athelburga Junckfraw vnd Ebtißin.

urn:nbn:de:hbz:466:1-41449

Item des heyligen Propheten Loth / so ein Bet-
 ter des Patriarchen Abrahams war / hat ywen Engel
 Gottes beherberget / ist durch sie vor der Sodomitischen
 Burger gewalt bewahret / vnnnd darnach sampt seinem
 Gesind von der grossen straff vnnnd vertilgung der So-
 domiter gefreyet vnd erlediget worden. Von ihm schrei-
 bet S. Petrus / das er gerecht war in seinem ansehen
 vnd hören / ob er schon wohnete vnder den vnkeuschen
 vnd böshafftigen Sodomitern / die sein gerechte Seel
 von tag zu tag mit ihren vngerechten wercken peinigten.

d v. Idus Octobris.

Der XI. Tag im Weinmonat.

Z Tarso der Hauptstatt inn Cilicia / ist heut der
 Tag der heyligen Marterer Tharaci / Probi / vnd
 Androuici. Der erst war ein Römischer Kriegsh-
 mann / 65. Jar alt : der ander von Pamphilia gebo-
 ren : der dritt ein Edler Burger von Epheso. Seind
 alle vnder der verfolgung des wütrichs Diocletiani vñ
 Christi willen mit einander gefangen / lange zeit in der
 Gefängnuß vbel gehalten / darnach ein jeder besonder
 drey mal auff mancheyley weis gemartert / auch alle drey
 für die wilden Thier geworffen / welche Thier wider die
 Hayden wüeteten / vnd der Heyligen verschonten / seind
 endelich all drey enthaupt / vnnnd ihre Körper ins Feuer
 geworffen worden / welche doch auß Gottes schickung
 vnuerbrennt bliben.

Anno Dñi
 280

Item in dem Flecken Bilcasino / das leyden des
 heyligen Priesters Nicasij / vnd seiner Gefellen / Quiri-
 ni / des Priesters zu Rothomago / vnd Pientie.

Item

Item inn Schotland des heyligen Abtes Canice oder Kentel.

Item in der Statt Vzeia des heyligen Bischoffs vnd Beichtigers Firmini.

Item in der Statt Redonis/ des heyligen Beichtigers Emiliani.

Item zu Virdun/ des heyligen Bischoffs vnd Beichtigers Santini.

Item zu Eyra die begräbnuß des heyligen Beichtigers Gummari / wellicher vnder andern gethanen Wunderzaichen / mit seinem Stab ein Bronnen auß dem Erdrich herfür gebracht.

Item zu Paphia die Erhebung des heyligen Bischoffs vnd Kirchenlehrers Augustini. Dann als der andächtigt Longobarden König Luitbrandus hörte/ daß die Saracenen verhergt hettten die Insel Sardiniam / in welche vor zeiten / von wegen des vberfalls der Barbaren/ die Bainer des fürreßlichen Lehrers vnd Bischoffs S. Augustini von Hippo geführt wurden/ schickt er in aller geschwindigkeit seine Boten daselbst hin/ gab groß Geld / vnd ließ die H. Gebair gen Paphia führen/ das geschach 283. Jar/ nach desselben H. Bischoffs abschied / welche ist die ander erhebung / dann die erst am letzten tag Homungs geschehen.

Anno Dñi
723.

Item der heyligen Junckfrawen vnd Ebtiffin Aibelburge.

Item selte gedächtnuß Brunonis / Erzbischoffs zu Coln vnd Beichtigers/ so ein Sohn Kaiser Hainrichs / vnd ein Bruder Kaiser Dithonis des ersten 17. Jar aber zu Coln Erzbischoff gewesen / hat daselbst S. Pant haleons Kloster gebawen vnd begabt / süßiget ein Gottseligen wandel/ bis zum end seines lebens.

Anno Dñi
970.

Item

Item an diesem tag starb/seliges gedächtnis/ Jaco-
bus Alemannus Prediger Dicens.

e. iiij. Idus Octobris.

Der XII. Tag im Weinmonat.

Zu Ravenna ist heut der geburtstag des H. mar-
tyrs Edistij/ welcher inn der Diocletianischen ver-
folgung seinen Christlichen Glauben/ mit der blü-
terergießung bezeuget.

Item in Africa der H. 4976. martyrer vnd beich-
tiger. Vnder disen waren etliche Bischöffe/ Priesler vnd
Diacon / sampt der zugefollten Schaar der glaubigen
völker. Seind aber vmb des Catholischen Glaubens
bekanntnis willen/ vnder dem Wandalischen verköhr-
ten König Hunerico ins ellend/vnnd inn ein scheußliche
wüsten vertriben/ vnd endlich auff mancherley weiß ge-
martert worden/vnder welchen Felix vnd Eyprianus die
fürnehmsten Bischoff waren.

Anno Dñi
480.

Item in Syria des H. Priesters Eustachij.

Item in Apamia des H. Bischoffs vnd Martyrers
Marcelli/ welcher zur zeit Kayfers Theodosij des El-
tern/vil Abgöttische Tempel zerstört/ ward daruff von
den Heiden gefangen/ vnd vmb des Namens Christi be-
kannntnis willen/ mit der marter gekrönt.

Anno Dñi
386.

Item zu Paphia der heyligen Martyrer Amelij
vnd Amici / vnder welchen der erst ein Grafen Sun
zu Aluernen / der ander eines Ritters Sun auff der
Burg Verican war. Dife sahen ein ander so gar gleich/
das sie auch von ihren Eltern für ein ander nicht erkennen
mochten